



IJWI RY'UBUHANUZI
ISHURI RYA BIBILIYA
MW IPOSTA

B.P. 170

BUJUMBURA

BURUNDI

ICIGWA CA 7.

UMUGABANE ABANTU BAFISE MU NAMA
Y'IMANA Y'AGAKIZA.

Umurongo wo kwibukwa : « Ariko muri vyose turushishwaho kunesha n'uadukunze. » Abaroma 8 : 37.

URWINJIZO.

Twize kw ibicumuro ari vyo bidutandukanya n'Imana (Yesaya 59 : 2). Twize kandi ingene umuntu amererwa iyo yacumuye, tubona kw Imana yanka ibicumuro. Ibicumuro ni vyo bizana inabi yose, urwanko n'intambara kw isi. Ibicumuro bisambura ibisagara, bigatetereza abavyeyi, bigateranya incuti n'abagenzi, bikonona ikintu cose.

Uravye ahw abantu batanguriye gucuhura. wamenga ni nk'ibokino, kandi mur'iki gihe abantu babona kw icaha ar'ikintu co kwifuzwa kurutaho. Igicumuro n'umwenda kandi n'umutwaro.

Har'inkuru ivuga ko umusi umwe imbuto y'umuzabibu yabiye iy'ikigazi, iti « Narambiwe kwama mpungabanywa n'umuyaga, ndeka nduhukire mu vyatsi vyawe gatoyi. » Ikigazi kirishura, gitit « Ni vyiza urashobora kuruhuka uko ugomba. » Ico kigazi cibagiye kw iyo mbuto itegerezwa kumera kand'ar'ihunde. Itangura gushinga imizi mitoyi. Ikikuza ico kigazi, no musi kw ivu rigitwika. Nuko ico kigazi gishira ijwi hejuru kiti « Ibi n'ibiki? » Wa muzabibu, uti « Ako ni ka kabuto k'umuzabibu wemereye kuruhikira mu bwatsi bwawe. » Ico kigazi kiravuga, kiti « Banza undeke, mugabo sinshoboye, twese twari hamwe, ni nirandura, na we urapfa. »

Ca kigazi gicurika umutwe, maze kizungagiza umuzabibu ngo kiwurandise, nticabishobora. Ikigazi gitangura kwuma buhoror buhoror, hanyuma kirahenuka. Hasigaye umuzabibu gusa. Igicumuro ni nk'ijo mbuto y'umuzabibu. Kizana urupfu. Kubera kw Imana ikunda abanyabicumuro, yadutangiriye Umwana wayo kugira ngw adupfire ku musaraba.

NTAMBWE YA MBERE TWOTAMBUKA NGW INAMA YIMANA ISOHOREZWE MU BUGINGO BWACU.

1. N'ibihé bibazo bikuru biri mw isi ?

Ibibazo bikuru biri mw isi n'ibi dusoma mu Ivyakozwe n'Intumwa 16 : 30, « Nkwiriye gukora iki ngo nkire ? » No muri Luka 18 : 18, « Nkore iki ngo ndagwe ubugingo buhoraho ? »

Yari inama y'Imana kw umuntu ayumvira akazobahw imyaka yose. Ariko kuko umuntu yacumuye, urupfu rwakurikiranye n'igicumuro. Abaroma 6 : 23, « Ingero y'icaha n'urupfu. » Ni turokoka ububasha bwa Satani, ikizokurikira n'ukubaho imyaka yose.

Twize ivyo Yesu yákoze kugira ngw adukize. N'inshingano yacu natwe kumenya ico dukwiye gukora ic'ari co. Uwo muntu w'umunyavyaha yabajije Paulo, ati « Nkwiriye gukora nte ? » Yatewe bwobwa no kwibwira yukw ivyaha vyiwe vyinshi kandi yar'inzimizi. Yamara Paulo yar'amufitiye inyishu.

2. N'ihi ntambwe ya mbere umuntu yotera ngw afashe Imana kurangura inama yayo y'agakiza ?

Paulo aravuga, ati « Izere Umwami Yesu. » Kwizera Umwami Yesu n'ukuvuga iki ? Bisumba ko twokwizera ko yapfuye. Ni ngombwa ko wizera ko yagupsiriye. Nta bundi buryo. « Kandi nta wundi agakiza kaboneramo, kuko ata rindi zina musi y'ijuru ryahawe abantu dukwiye gukirizwamwo. » Ivyakozwe n'Intumwa 4 : 12. Kwizera n'ikintu gikuru ca mbere. Ubundi dusoma ko kwizera ari « ukwizigira. » « Mwamane ukwizera Imana. »

Harihw abantú bavuga ko badafise ukwizera. Bakavuga kó batobashá kwizera. Ivyo s'iv'yukuri. Imana yahaye umuntu wese ukwizera. Abaroma 12 : 3, « N'ukw Imana yagerereye umuntu wese kwizera. » Dushobora lero kwizera. Dushobora kwizera ic'Imana itubwira cose, kukw ar'« Imana... yo kwizigirwa. » Kuvayo 34 : 6. Ni koko dushobora kwizera ko Yesu ari Umukiza yadukijije ivyaha.

3. N'ihi ntambwe ya kabiri umuntu akwiye gutera kugira ngw afashe Imana kurangura inama yayo y'agakiza ?

Intamwe ya mbere n'Ukwizera, intambwe ya kabiri n'UKWIHANA. « N'uko mwihane, muhindukire, ivyaha vyanyu bihanagurwe. » Ivyakozwe n'Intumwa 3 : 19.

Iyo tuvuze « kwihana » tuba turoresheje ku ki ? Kwihana n'ukwigaya ibicumuro vyawé, ukabwira Imana ko utazosu-subira guecumuro. Yobu yavuze, ati « Nico kinteye kwizinukwa, akihana. » Yobu 42 : 6. Iyo umuntu aravye ukw'ibicumuro vyiwe bimugita, akaraba n'ingene Imana igerageza kumufasha kugira ngw ave mu bicumuro, arizinukwa ubwiwe Akihana ibicumuro vyiwe.

(a) Bigenda gute iyo umuntu atihanyé ? Luka 13 : 3, « Ariko mutihana, namwe muzohona murtyo mwese. »

Kuki kwihana ari ngombwa ? Iyo umuntu atihanyé ntareke ibicumuro vyiwe, ntareka ico caha. Ivyo bitugeza mu kindi kigabane co mu Vyakozwe n'Intumwa 3 : 19, « N'uko mwihane, muhindukire. » Guhindukira n'ukuyuga iki ? N'ukwigaya ibicumuro vyawé, ugahindukiriza umutima ku Mana. Iyo uri mu

bicumuro uba utumbereye inzira irora mu rupfu, none urahindiye, wanse urupfu, utoye inzira y'ubuzima.

Iyo duhinyuye inzira zacu z'ibicumuro, duhitamwo kubireka n'ukujana inzira y'ubukiriro.

Har'inkuru ivuga ivy'umuntu w'inkozi y'ikibi, yategetse umwe mu basuku biwe kuringaniza umunyororo imbere yiwe. Uwo muntu aramwumvira. Hanyuma uyo mutware amutegeka kuwugira muremure kabiri kuruta uko wari usanzwe. Uwo munyororo urangiye, uyo mutware abwira umusirkare gufungisha umuntu wa munyororo yaboshe ubwiwc, maze amushira mu nzu y'imbohe. Uko niko Satani agenza umuntu. « Azodunuza n'ingoyi z'icaha ciwe. » Imigani 5 : 22.

(b) Mbe Imana n'abamarayika bamera bate iyo umunyagcumuro umwe yihannyne ? « Mw'ijuru bazonezererwa bartyo umunyavyaha umwe yihannyne. » Luka 15 : 7.

« Imana ntigomba ko hagira abahona, ariko igomba ko bose bihanna. » 2 Petero 3 : 9. Imana ikurikira umutima ushaka kwihana. Iyo iwumvise birayinezereza rwose. Bikaguhesha ubugingo. Umusi umwe umuntu yariko aratembera mu gisagara, abona abana bafise icána c'inonyi. cajwiragizwa n'ubwoba. Uwo muntu abaha amafranga atanu (5frs) kugira ngo barekure ico cana c'inonyi cigidere. Basaba amafranga arenze ayo. Abaha amafranga icumi, maze na bo bamuha ico cana c'inonyi. Uwo muntu akijana mu murima munini urimwo ivyatsi bibisi, maze arakireka kirigurukira nk'uko cabishaka, kandi nk'uko cabiremewe.

Kubw'inkuka ya Yesu, twaguzwe turiko turahindira umushitsi mu nzara za Satani. Yaducunguriye kugira ngo twidegemvye, abanje gusesa amaraso yiwe ku bwacu. None ntiwifusa kuba uwidegemvye ? « Umwana ni yabaha kwidegemvye muzoba abidegemvye nyakuri. » Yohana 8 : 36.

4. N'iyyihe ntambwe ya gatatu umuntu yotera kugira ngw afashe « Imana gushitsa inama yayo ?

Intambwe ya mbere n'Ukwizer, iya kabiri n'Ukwizigira, no guhindukira ari ko kugaruka. Intambwe ya gatatu n'Ukuvuga ibicumuro. Ezira 10 : 11, « None nimwaturire Uhoro Imana ya ba sogokuru ivyo. » « Upfukapuka ibigabitanyo vyiwe ntazoronka umugisha, ariko uvihana akabireka azogirirwa ikigongwe. » Imigani 28 : 13.

Imana yiteguye kütürekurira ibicumuro, ni twavyigaya. Yohana 1 : 9, « Ni twatura ivyaha vyacu, ni yo yo kwizigirwa kandi igororoka, ivyo nivyo bituma iduharira ivyaha vyacu, tukatwoza ukugabitanya kwose. » Iyo tubwiye Imana ibicumuro vyacu, tuba dukwiriye kwizigira kw itubabariye, kandi tukerekena ko twizigiye sezerano ryayo. Imana itubwira ko izoshibirira ibicumuro vyacu kure. Yesaya 38 : 17, « Erega ictatumye ngira umubabaro w'umururazi mwinshi kwar'ukugira ngo ndonke amahoro ; kandi urukundo wakunze ubugingo bwanje rwatumye ubukiza urwobo rw'iborero, kukw ivyaha ubugingo bwanje rwatumye ubukiza urwobo rw'iborero, kukw ivyaha vyanje vyose wabirengeje inyuma yawe. » None ntushimishijwe n'uko atabishibirira inyuma yawe kuko Satani yaca abibona ? Ahubwo aravirenza. Na Mika avuga at' « Uzoduhindukirira utugirire ikigongwe ; uzosiribangira ibigabitanyo vyacu musi y'ibirenge vyawo. Kandi uzoterera ivyaha vyacu vyose i bwina mu kiyaga ». Mika 7 : 19.

Umusiguzi umwe yasomye uyu murongo mu gikorane c'ishengero. Aribagira asiga iri jambo « i bwina mu » avuga,

at'Azoterera ivyaha vyacu vyose mu kiyaga.» Umwana wiwe mutoyi amenya ko se wiwé yibagiye. Batashe bavuye mu rusengero, umwana arabaza, ati « Data k'utabwiye abantu ukuntu ibicumuro biremereye, ko birigitira i bwina ntuyongere kuboneka ukundi ? Ahubwo bazokwibwira ko ibicumuro ari bibi gusa, nk'igiti kiperemba ku mazi ahw abantu bashobora kongera kubibona ? » Imana ishimwe. Ishibirira ibicumuro vyacu ntidusubire kubibona.

Abalewi 5 : 5, « Nukw umuntu ni yaramuka atsingwe na kimwe mur'ivyo bidonzwe aze yature icaha yakoze, » turacheza tero tukayisaba ikatubabarira, Yesu akaba ari we avyishura. Ntikiba kikiduharurwako. Yesu ni co yapfiriye. None har'irindi sezerano ritangaje gusumba ivo ? « Umwe atigeze kumeuya icaha, Imana yamuhinduye icaha ku bwacu. » 2 Ab'i Konto. 5 : 21.

(a) Mbe twagenza gute tugize umuntu tugirira nabi ? Twimusaba ikigongwe tukamubwira icaha twamukoreye, tukamusaba imbabazi kuko twamugiriye nabi. « Mwaturanire ivyaha vyanyu. » Yakobo 5 : 16. Niba hari ikintu c'umuntu twatwaye, dutege-rezwa kugisubiza. Guharura 5 : 6—8, « Barira Abisirayeli, ut'Umugabo canke umugore niyakora icaha co mu vy'abantu bagenda bakora, agatsindwa n'urubanza, aze yature icaha yakoze, arihe n'ico kintu uko kingana camukwegeye gutsindwa. » Abalewi 6 : 1—5, « Uhoraho abarira Mose, ati Nihagira umuntu akora icaha, akancumurako, jewe Uhoraho, akagunga mugenzi we mu vyo yamubikije, canke ku ngwati yamugwatiyije, canke mu vyo yambuye canke akanyaga mugenzi we kugahahazo, canke akabona icazimiye, akakigunga, akakirahira ibinyoma ; ni hagira ikintu na kimwe mur'ivyo vyose umuntu azokora, agakora icaha ubwo buryo ; iyo akoze ico caha, akwumva kw atsinzwe, maz'arihe ico yambuye, canke yaronkeshewe n'agahahazo, cank'ico yabikijwe, cank'icari cazimiye yatoye, cank'ikindi kintu cose yarahiye ibinyoma ; az'akirike uko kingana. »

Paulo yabwiye umurinzi w'inzu y'ibohero, ati « Izer'Umwami Yesu. » Yajanye na Paulo na Sila bari baboshwe, abasomora inguma mur'ivo joro nyene. Ntiyarinze ko buca. Ni wagirira ikibi uwo muvukana, mwikiranure. Umusomore inguma. Niho uzogira amahoro mu mutima wawe.

(b) Mbega dukwiye kurekurira uwatugiriye nabi ? Yesu yigishije abigishwa biwe ngo basenge, bat « Uduhebere imyenda yacu, nk'uko natwe twahebeye abari mu myenda yacu. » Arasubira at « Arikoi nimutaharira abantu ivyaha vyabo, na So na we ntazobaharira ivyaha vyanyu. » Matayo 6 : 12, 15. Ni twaba duvhaka kw Imana itubabarira, natwe dukwiye kubabarirana. Dukwiriye kurekurira uwatugiriye nabi kenshi. « Maze Petero aramubwira, ati Mushingantahe, incuti yanje ni yangirira nabi, nzomuharira ngeze kangahe ? » Yesu aramubwira, ati Jeho sinkubwira yuk'ugeza indwi, arik'ugeze indwi-indwi gushitsa ibihetangabo mirongwirindwi. » Matayo 18 : 21, 22. t

5. N'iyyihe ntambwe ya kane umuntu akwiye gutera kugira ngwafashe Imana gusohoza inama yayo ?

Iyo umuntu amaze kumenya ubutumwa (Matayo 28 : 19), arizera (Mariko 16 : 15, 16) arigaya agahinduka umuntu mwiza, (Ivyakozwe n'intumwa 3 : 19), maze akabatizwa. Ivyakozwe n'intumwa 2 : 38, « Nimwihamwe, umuntu wese mirimwe ABATIZWE mw izina rya Yesu Krito. » « Uwizerwa akabatizwa,

azokizwa. » Mariko 16 : 16. Mu mubatizo twerekiramwo ko twizera urupfu rwo mu mazi no mu kuzuka kwa Kristo atuzukira. Abaroma 6 : 3—5, « Canke ntimuzi yuko twese ababatirwe kuba muri Kristo Yesu, twabatirjwe kuba mu rupfu rwiwe ? Kugira ngo nk'uko Kristo yazuwe mu bapfuye n'ubwiza bwa Data wa twese, abe ari ko natwe tugendera mu bugingo busha. Ko twakoranjwe na we n'igishushanyo c'urupfu rwiwe tuzokoranywa na we n'ic'ukuzuka kwie na co. » Mu kindi cigwa tuzokwiga ivy'iri jambo ry'UMUBATIZO.

6. Ni twaba twizeye, tukigaya ibicumuro vyacu, tukigorora n'abo twoha twari twagiriyé nabi, tukabatizwa, twogenza dute ngo inama y'Imana irangukire mu buzima bwacu ?

Abaroma 6 : 4, « Abe ari ko natwe tugendera mu bugingo busha. » Guriyo tuba turi mu bugingo busha muri Kristo Yesu « Kandi tamenye iki yuko umuntu wacu wa kera yabambanywe na we, kugira ng'umubiri w'icaha uhindurwe ubusa, ntitwame tujakariye icaha : kuk'uwafuye aba atsindanishiniwe icaha. » Abaroma 6 : 6, 7.

« Uvuga kw ahora muri we, akiye na we kugenda nk'uko uwo yagenda. » 1 Yohana 2 : 6.

Tubasha dute kwigenza nk'uko Yesu yigenza ? Dushobora dute gukora nk'uko Yesu yakora ? Yohana 15 : 10, « Ni mwitondera ivaygezwe vyane, muzoguma mu rukundo rwanje, nk'uko nanje nitondewe ivaygezwe vya Data, nkaguma mu mu rukundo rwiwe. »

(a) Yesu avuga ko ataco twobasha gukora tutari kumwe na we. Yohana 15 : 5, « Kukw ataco mubasha gukora mutamfise. » None ntidukwiye gufashwa kugira ngo « Tugende nk'uko Yesu yagenda ? » Ni ngombwa ngo Yesu adufashe. Ntiyaducunguye ibicumuro vyacu gusa, agubwo azonadushoboza kudakora ibindi. Aratubwira no muri iri jambo ryiwe. Zaburi 119 : 9—11, « Umusore azekwejesha inzira yiwe iki ? Azoyezsha kuyitondera nk'ukw ijambu ryawe rivuga ... Nabitsa ijambu ryawe mu mutima wanje ngo noye kugucumurako. » Twahawwe ijambu ry'Imana ngo ridufashe mu ndwano ibicumuro. Ighe Yezu yaja kugeragezwa na Satani amaze kubatizwa yishurisha Satasii amajambo y'Imana.

« Umugergezi aza kuri we (Yesu), ati Ni ba uri Umwana w'Imana bwira aya mabuye acike imitsima. Aramwishura, ati Vyanditswe ng'Umntu ntatungwa n'umutsima gusa, ariko atungwa n'ijambu ryose riva mu kanwa k'Imana... Yesu aramubwira, ati Vyongeye haranditswe ngo Ntukagerageze Uhoro, Imana yawe... Buno Yesu aramubwira, ati Mvako, Satani, kuko vyanditswe, ng'Uhoro Imana yawe, abe ari yo usenga, kandi abe ari yo usaba yonyene. » Matayo 4 : 1—11.

Tubwirwa rero ko dutegereza gusenga. 1 Ab'i Tesalonike 5 : 17, « Musenge ubudasiba. » Naho tudashobora guhora dupfukamye aho turi hose, naho har'aho ico turiko turakora cose. Yaturaganiye ko tuoja dufashwa na Mpwemu Yera. Abaroma 8 : 14, « Abarongorwa na Mpwemu w'Imana bose ni bo bana b'Imana. » « Nimwihane mubatizwe,... muzohabwa ingabire, ari yo Mpwemu Yera. » Ivyakozwe n'Intumwa 2 : 38.

Yesu yaraganye kw azohorana natwe. « Kukw Imana ari yo ikorera mu mitika yanyu, ikabaha gukunda no gukora ibiyihimbara. » Ab'i Filipi 2 : 13. Yaturaganiye inkomezi. Ab'i yihimbara. » Ab'i Filipi 4 : 13, « Nshobozwa vyose n'ümpta inkomezi. »

Mbe wewe usøma, ntubona ko bigaragara ko ataco Imana
vasize mu vyo gukiza abana bayo ? Har'inkuru imwe itubwira
iv'yagakobwa kahora gakubagana mu gatondo. Kavuye mw ishule
mu mashoka, gasanga nyina ararwaye cane. Kashaka kubonan
na nyina kugira ngo kamubwire ibicumuro vyako, ariko umu
vuzi arakabuza. Kakiriye ikigura cako co kwandikirako, maze
kandika, kati « Ndagusavye mawe umbabarire kuko nagize
nabi mu gatondo. Ni waba urwaye cane bitokunda ko uvuga,
ndagusavye uhanagure ivyo nanditse, nanje ndaheza menye ko
wambabariye. » Bukeye asanga ivyaha vyanditswe kuri ca ki
gura vyose birahanaguye. Umutima wiwe wuzura akanyamu
neza. Imana na yo « Izozimanganya ibicumuro vyawe vyose. »
Ivyakozwe n'Intumwa 3 : 19, « Nuko mwihane, muhindukire.
ivyaha vyanyu bihanagurwe. » Umwana w'Imana wese akwiye
gutegera isezerano ryanditswe kuri uyu murongo ; kandi hari
n'ayandi menshi mw ijambo ry'Imana. Hari umwana umwe
yabajijwe ko hari ico Imana itabasha gukora, arasubiza, ati
« Kiriho, hari ico Imana itabasha gukora. Ntibasha kubona
ibicumuro vyanje mu buryo bw'amaraso ya Yesu. » Niba ibi
cumuro vyawe vyarirezwe. Imana iguharura k'ur'umugoro
rotsi nk'Umwana wayo Yesu. Aya masezerano ni rwave. none
se antiwyakira ?

!TEGEREZE NEZA : Ukoreshé Bibiliyà hamwe n'icigwa.
[kibazo cose gifise INYISHU LMWE GUSA. Wandike X mu
kazu k'inyishu y'ukuri. Ntihogire ikintu wandika mu tundi tuzu
tubiri dusigaye. Raba akarorero ku kibazo ca ! c'icigwa ca !.]

IBIBAZO VY'ICIGWA CA 7.

1. Gusubiza hamwe n'abo twagiriye nabi.

- A. Asangwa har'umuntu twagiriye nabi dukwiye kwinya
nga har'abantu benshi.
- B. Dukwiye gusanga uyo muntu tukamusaba ikigongwe.
- C. Dukwiye gusaba ikigongwe Imana.

2. Kugirirw'ikigongwe.

- A. Turiyuvamwo ko twarekuriwe ibicumuro vyacu
- B. Imana yatwemereye ko izotugirira ikigongwe.
- C. Twumva abantu bavuga ko twagiriwe ikigongwe.

3. Ukuri kw'Imana.

- A. Abantu ni bo batubwira ivy'ukuri vy'Imana.
- B. Ukuri kw'Imana tukumenyeshwa n'ugusoma ijambo ryayo.
- C. Ijambo ry'Imana turimenyeshwa n'ukugamburukira umusiguzi.


4. Ni bangahe bakwiye gukizwa ?

- A. Abantu bagamburukira Imana ni bo bazokizwa
- B. Abantu bose bazokizwa.
- C. Imana ntishaka kw abantu bakizwa.


5. Kutagirira abandi nabi.

- A. Kuganirira mwene wanyu ko wamugiriye nabi birahagije vyonyene.
- B. Tugomba kwama tubabarira abatugiriye nabi.
- C. Ntitugomba gusubiza umuntu icotwamwivye.

**IJWI RY'UBUHANUZI
ISHURI RYA BIBILIYA MW IPOSTA
B.P. 1710 Bujumbura
Burundi**



Izina _____



Ah'uba _____

